



Broj: 01/2-04-100/20
Breza, 15.01.2020. godine

U skladu sa članom 34. Zakona o radu Federacije Bosne i Hercegovine (*Službene novine Federacije Bosne i Hercegovine*), te u skladu Pravilnikom o kriterijima, postupku izbora i prijema lica za stručno osposobljavanje bez zasnivanja radnog odnosa u Jedinственном općinskom organu uprave Općine Breza broj 01/2-05-2676/15 od 12.10.2015. godine i broj 01/2-05-1072/16 od 05.05.2016. godine, a na osnovu člana 37. Statuta Općine Breza (*Službeni glasnik općine Breza broj 08/09 – prečišćeni tekst*), Općinski načelnik Općine Breza donosi slijedeću:

O D L U K U

o prijemu lica sa završenim fakultetom i završenom srednjom stručnom spremom na stručno osposobljavanje bez zasnivanja radnog odnosa u Jedinственном općinskom organu uprave Općine Breza u 2020. godini.

Član 1.

(Predmet Odluke)

- (1) Ovom Odlukom regulišu se pitanja prijema lica na stručno osposobljavanje bez zasnivanja radnog odnosa u Jedinственном općinskom organu uprave Općine Breza (u daljem tekstu *Organ*) u 2020. godini, a naročito način i dinamika prijema, broj lica koji će se primiti na stručno osposobljavanje bez zasnivanja radnog odnosa, stepen i vrsta stručne spreme, opći uslovi koje kandidati moraju ispunjavati, kao i način i postupak provođenja stručnog osposobljavanja ovih lica.

Član 2.

(Stručno osposobljavanje bez zasnivanja radnog odnosa)

- (1) Na stručno osposobljavanje bez zasnivanja radnog odnosa može se primiti lice sa završenim fakultetom, ili završenom srednjom školom, a koje nije ranije zasnivalo radni odnos u zanimanju za koje se školovalo, ukoliko su za obavljanje poslova u određenom zanimanju zakonom utvrđeni kao uslovi položen stručni ispit ili prethodno radno iskustvo.
- (2) Vrijeme stručnog osposobljavanja u skladu sa ovom Odlukom računa se u pripravnčki staž ili u radno iskustvo utvrđeno kao uslov za rad u određenom zanimanju i može trajati najduže koliko traje pripravnčki staž, odnosno najduže 12 mjeseci, odnosno 6 mjeseci.

Član 3.

(Finansiranje stručnog osposobljavanja, broj lica za stručno osposobljavanje)

- (1) Sredstva predviđena za troškove stručnog osposobljavanja bez radnog odnosa planirana su Budžetom Općine Breza za 2020. godinu na kontima brojevi 613973 i 613986 i to za najviše 8 lica sa visokom stručnom spremom i 2 lica sa završenom srednjom stručnom spremom, a o čemu je Služba za finansije, inspeksijske poslove i opću upravu dostavila Obavijest broj 03/1-11-95/20 od 16.01.2020.godine.
- (2) U skladu sa utvrđenom visinom troškova za stručno osposobljavanje u 2020. godini, utvrđuje se da će se izvršiti prijem 8 lica sa visokom stručnom spremom društvenog ili tehničkog smjera i 2 lica sa završenom srednjom stručnom spremom društvenog ili tehničkog smjera, za stručno osposobljavanje bez radnog odnosa

- (3) Izuzetno od odredbi prethodnog stava, Općinski načelnik može, u slučaju da se na javni oglas za prijem lica za stručno osposobljavanje bez zasnivanja radnog odnosa ne prijavi lice sa traženim kvalifikacijama iz prethodnog stava, odlučiti o prijemu kandidata i drugog zanimanja ili druge stručne spreme – srednje stručne spreme tehničkog ili društvenog smjera, a do ukupnog iznosa odobrenih sredstava za te namjene u Budžetu Općine Breza za 2020. godinu za ovu namjenu.
- (4) Prijem lica može se vršiti jedinstvenim javnim konkursom ili putem više pojedinačnih javnih konkursa do ukupnog odobrenog broja lica u skladu sa odredbama stava (1) ovog člana, u zavisnosti od potreba Jedinstvenog općinskog organa uprave Općine Breza i raspoloživosti prostora za organizaciju stručnog osposobljavanja bez zasnivanja radnog odnosa u toku godine.

Član 4.

(Opći uslovi za prijem lica na stručno osposobljavanje, način i postupak izbora)

- (1) Lice koje se prima na stručno osposobljavanje u Organu mora da ispunjava opće uslove propisane članom 25. Zakona o državnoj službi u Federaciji Bosne i Hercegovine, kao uslov za prijem u radni odnos državnih službenika, odnosno opće uslove propisane članom 24. Zakona o namještenicima u organima državne službe u Federaciji Bosne i Hercegovine, u zavisnosti od stručnih kvalifikacija kandidata.
- (2) Prijem lica na stručno osposobljavanje bez zasnivanja radnog odnosa u Organu vrši Općinski načelnik, a na osnovu provedene konkursne procedure u skladu sa Pravilnikom o kriterijima, postupku izbora i prijema lica za stručno osposobljavanje bez zasnivanja radnog odnosa u Jedinstvenom općinskom organu uprave Općine Breza broj 01/2-05-2676/15 od 12.10.2015. godine i broj 01/2-05-1072/16 od 05.05.2016. godine.
- (3) Sa odabranim kandidatima zaključuje se Ugovor o stručnom osposobljavanju bez zasnivanja radnog odnosa kojim se regulišu osnovna prava i obaveze lica na stručnom osposobljavanju, naročito vrijeme stručnog osposobljavanja, pravo na naknadu troškova za ishranu, te obavezno osiguranje od povrede na radu ili profesionalne bolesti u skladu sa važećim propisima penzijsko-invalidskog osiguranja, način i postupak provođenja i praćenja stručnog osposobljavanja, kao i druga prava i obaveze.

Član 5.

(Način i postupak osposobljavanja)

- (1) Svakom odabranom kandidatu sa kojim se zaključi Ugovor o stručnom osposobljavanju bez zasnivanja radnog odnosa izdat će se program stručnog osposobljavanja kojim će biti utvrđeni način, postupak i dinamika stručnog osposobljavanja u skladu sa potrebama i djelokrugom općinskih službi za upravu i posebnih službi u kojima se obavlja osposobljavanje, uvažavajući specifičnosti svakog pojedinačnog zanimanja, te način i postupak praćenja i evaluacije stručnog osposobljavanja, a obuka se ima organizovati na način da se svakom licu omogući stručno osposobljavanje i upoznavanje sa radom na različitim radnim mjestima u općinskim službama za upravu i posebnim službama, u skladu sa prirodom zanimanja za koje su stekli stručno zvanje.
- (2) Općinski načelnik će posebnim rješenjem licu ili licima na stručnom osposobljavanju bez zasnivanja radnog odnosa imenovati odgovorno lice za praćenje stručnog osposobljavanja i obuke, odnosno mentora.
- (3) Mentor može da bude lice koje ima istu ili srodnu stručnu spremu i isti ili viši stepen stručne kvalifikacije kao i lice na stručnom osposobljavanju i najmanje 3 godine radnog iskustva nakon sticanja stručne spreme.

Član 6.

(Oglašavanje prijema lica za stručno osposobljavanje)

- (1) U skladu sa ovom Odlukom, nadležna općinska služba će raspisati Javni oglas za prijem lica na stručno osposobljavanje u skladu sa Pravilnikom o kriterijima, postupku izbora i prijema lica za stručno osposobljavanje bez zasnivanja radnog odnosa u Jedinstvenom općinskom organu uprave Općine Breza broj 01/2-05-2676/15 od 12.10.2015. godine i broj 01/2-05-1072/16 od 05.05.2016. godine.
- (2) Javni oglas iz prethodnog stava objavljuje se u jednom dnevnom listu koji se distribuira na području Federacije Bosne i Hercegovine, na oglasnoj ploči u Organu i na oficijelnoj internet stranici Općine Breza, sa rokom za podnošenje prijave od 15 dana od dana posljednjeg objavljivanja.

Član 7.

(Završne odredbe)

- (1) Za realizaciju ove Odluke zadužuju se Služba za finansije, inspeksijske poslove i opću upravu i Stručna služba Općinskog vijeća i Općinskog načelnika.
- (2) Ova Odluka stupa na snagu sa danom donošenja i objavljivanja u Službenom glasniku Općine Breza.
- (3) Ova Odluka objavit će se na oglasnim pločama u Organu i službenoj internet stranici www.breza.gov.ba.

Dostavljeno:

1x Služba za finansije, inspeksijske poslove i opću upravu
1x Web stranica
1x Oglasna ploča
1x 01/2
1x Arhiv

Općinski načelnik

mr.sci. Munib A. Zaimović



Adresa: Bogumilska br.1 tel:032/786-061
centrala, 032/786 020 centrala, fax: 032/786 031
e-mail: nacelnik@breza.gov.ba www.breza.gov.ba

